



遺山先生文集卷第八

七言律詩

秋懷 崧山
中作

涼葉蕭蕭散雨聲
虛堂浙浙掩霜清
黃華自與西風約
白髮先從遠客生
吟似候蟲秋更苦
夢如寒鵲夜頻驚
何時石嶺關頭路
一望家山眼暫明

帝城二首 史院夜
直作

帝城西下望孤雲
半殿晨昏媿此身
世俗但知從仕樂
書生只合在家貧
悠悠未了三千牘
碌碌翻隨十九人
預遣兒書報歸日
安排鷄黍約北隣

羈懷鬱鬱歲駸駸擁褐南窓坐晚陰日月難淹京
國火雲山唯覺玉華深隣村爛熳鷄黍局野寺荒
涼松竹林半夜商聲入家廓北風黃鵠起歸心

僕射改醉歸即事

多生曾得江湖樂每見陂塘覺眼明詩酒共尋前
日約風陰新自夜來晴春波澹澹沙鳥披野色荒
荒煙樹平醉踏扁舟浩歌起不須紅袖出

是日掃葉
府不至

春日

里社春盤巧欲爭裁紅暈碧助春情忽驚此日仍
為客却想當年似隔生貧裏齏鹽憐節物亂來歌

吹矢歡聲南舟剝有還鄉伴戎馬何時道路清

歐陽

唐春盤賦裁紅暈
碧巧助春情為韻

橫波亭

為青口
帥賦

孤亭突兀挿飛流氣壓元龍百尺樓萬里風濤接
瀛海千年豪傑壯山丘踈星澹月魚龍夜老木清
霜鴻鴈秋倚劔長歌一盃酒浮雲西北是神州

野菊座主閑閑公命作

柴桑人去已千年細菊班班也自圓共愛鮮明照
秋色爭教狼籍卧踈烟荒畦斷壠新霜後瘦蝶寒
螢晚景前只恐春衰笑遲暮題詩端為發幽妍

度太白嶺往昆陽

斷崖絕壁裂蒼頡竟日長林窈窕問舊許煙霞歸
白髮悔隨塵土出青山飢蚕滅滅催人老野鶴昂
昂羨汝閑畏景方隆路方永南風迴首暮雲還

寄希顏二首

後一首希顏在
徐州幕時作

僵卧崧丘七見春商餘歸計一塵新悠悠華屋高
貴意兀兀田夫野老身動色雲山如有喜忘機鷓
鳥亦相親蠶跡潦倒今如此樓上元龍莫笑人
湖海故人仍騎曹彭門千里入憑高山頭杜甫長
年瘦樓上元龍先日豪水落魚龍失歸宿天長鴻

鴈獨哀勞酒船早晚東行辦共舉一杯持兩螯

懷益之元

時在
闕鄉

牢落閩河鴈一聲一戈滿眼若為情二年浪走空
皮骨四海相望只弟兄黃耳定從秋後到白頭新
自夜來生西樓日日西州道欲賦窮愁竟不成

昆陽二首

古木荒煙集暮鴉高城落日隱悲茄并州倦客初
投迹楚澤寒梅又過花滿眼旌旗驚世路閉門風
雪羨山家忘憂只有清樽在暫為紅塵拂鬢華
去日黃花半未開南來忽復見寒梅淹留歲月無

餘物料理塵埃有此杯老馬長途良憊矣白鷗春
水亦悠哉商餘說有滄州趣早晚乾坤入釣臺

寄西溪相禪師

青鏡流年易擲梭壯懷從此即蹉跎門堪羅雀仍
未害釜欲生魚當奈何萬事自知因懶廢一官元
不校貧多拂衣明日西溪去止放雲山入浩歌

葉縣雨中時松前旱尤甚

春旱連延入麥秋今朝一雨散千憂龍公有力迴
枯槁客子何心歎滯留多稼即看連楚澤歸雲應
亦到崧丘兵塵浩蕩乾坤滿未厭明河拂地流

寄荅趙宜之兼簡溪南詩老

窓影朧朧納暝陰風聲浩浩急霜砧秋鴻社燕飄
零夢顙水崧山去住心黃菊有情留小飲青燈無
語伴微吟故人憔悴蓬茅晚料得老懷如我今

顙亭

顙上風煙天地迴顙亭孤賞亦悠哉春風碧水雙
鷗靜落日青山萬馬來勝槩消沈幾今昔中年登
覽足悲哀遠游擬續騷人賦所惜忽忽無酒杯

山中寒食

小雨班班澗曙煙平林簇簇點晴川清明寒食連

三月頴水崧山又一年樂事漸隨花共減歸心長
與鴈相先平生最有登臨興百感中來只慨然

楚漢戰處

叔同賦

虎擲龍拏不兩存當年曾此賭乾坤一時豪傑皆
行陣萬古河山自壁門原野猶應厭膏血風雲長
遠動心魂成名豎子知誰謂擬喚狂生與細論

懷叔能

別却楊侯又一年西風每至輒凄然酒官未得高
安上詩印空從吏部傳三沐三薰知有待一鳴一
息定誰先黃塵憔悴無人識今在長安若箇邊

留別仲澤

避俗無機日見浸遜貧不去巧相尋半生與世未
嘗合前日入山唯不深綠水紅蓮慚大府清泉白
石識初心相思命駕非君事能寄詩來或賞音

鄭州上致政賈右丞相公

時披命就公
訪先朝逸事

黃閣歸來履舄輕天將五福界康寧四朝人物推
耆舊萬古清風在典刑鄭圃亦能知有道漢庭久
欲訪遺經帝城此後瞻依近長傍孤南候極星

寄荅景玄兄

故人相念不相忘頻着書來約對床甚喜樵夫與

爭席所憂簿吏復登堂春風和氣隨詩到洛水秦
山引興長奮袖高談夜窓白幾時危坐聽琅琅

長登堂李長吉語景玄
去歲大為崔科所困

寄辛老子

草堂西望渺煙霞夢寐西南一逕斜為羨為凰安
松棘悔將猿鶴入京華百錢下肆成都市萬古詩
壇子美家後日從翁問奇字可能適客持侯已

後灣別業

薄雲晴日爛烘春高柳清風便可人一飽本無華
屋念百年今見老農身童童翠蓋桑初合澗澗蒼

波麥已勻便與溪塘作盟約不應重遣濯纓塵

劉文仲通哀挽

拙宦深辜遠業期無兒更結下泉悲溫絕如此豈
復見報施言之尤可疑四葉名家今日盡百年潛
德幾人知元劉交分平生重才薄猶堪第二碑

會善寺

白塔沉沉挿翠微魏家宮闕此餘基人生富貴有
遺恨世事廢興無了期勝槩只今歸鷺嶺煙花從
昔繞龍墀長松想是前朝物及見諸孫賦黍離

寄欽用

顛顛京華首宿槃南山歸興夜漫漫長門有賦人
誰買坐塌無羶客亦寒蟲臂偶然煩造物顰頭何
者亦求官故人東望應相笑世路羊腸乃爾難

揚之美尚書挽章

冠蓋龍門此日空人知麟出道將窮景星明月歸
天上和氣春風在眼中千古孫劉有餘責一時燕
許更誰同受息知己無從報獨爲斯文泣至公

李屏山挽章二首

世法拘人虱處禪忽驚龍跳九天門牧之宏放見
文筆白也風流餘酒尊落落久知難合在堂堂元

有不亡存中州豪傑今誰望擬喚巫陽起醉魂
談塵風流二十年空門名理孔門禪諸儒久已同
堅白博士真堪補太玄孫况小疵良未害在周陰
助恐當然遺編自有名山在第一諸孤莫浪傳

內鄉縣齋書事

吏散公庭夜已分寸心牢落百憂薰催科無改堪
書考出粟何人與佐軍飢鼠遶床如欲語驚鳥啼
月不堪聞扁舟未得滄浪去慚愧春陵老使君

遠祖

次山春陵行云思欲委符節引竿自
刺船故子美有興含滄浪清之句

自菊潭舟水還寄松前故人

臘雪春泥晚未乾，馬迎殘照入荒寒。初無息鳥將安往，正有牛刀恐亦難。倦客不知歸路遠，孤城唯覺暮山攢。黃金鍊出相思句，寄與同聲別後看。

被檄夜赴鄧州幕府

幕府文書鳥羽輕，敝裘羸馬月三更。未能免俗私自笑，豈不懷歸官有程。十里陂塘春鴨鬧，一川桑柘晚煙平。此生只合田間老，誰遣春官識姓名。

馬鄧驛中大雨

萬壑千岩一雨齊，先聲噴薄捲湍溪。投林鳥雀不暇顧，移穴蛟龍應自迷。便恐他山藏厚夜，豈知高

樹有晴霓兩江合向西南闔坐想風雲入鼓鼙鄧

西南兩浙水相合處也

除夜

一燈明暗夜如何，夢寐衡門在澗阿。物外煙霞玉華遠，花時車馬洛陽多。折腰真有陶潛興，扣角空傳竊戚歌。三十七年今日過，可憐出處兩蹉跎。

鄧州相公命賦喜雨

輕陰十日暮春前，和氣朝來已沛然。河澗定應連上國，雲來端合自中天。帥從洛陽移鎮烽零帶濕闌幽障，麥穰分青入廢田。共識使君霖雨手，調元消息在今年。

劉光甫內鄉新居

豸冠平日凜秋霜老去聲名只閉藏
父老漸來同保社兒童久已愛文章
蔬隨隙地皆成圃竹放新梢欲過墻
爲向長安舊遊道世間元有北窓涼

西齋夜宴

飄零無物慰天涯酒伴相逢飲倍加
悞謬君當略彭澤迴旋我亦笑長沙
金釵醉舞迎春髻銀燭光搖半夜花
只欠東山游錄事不來堅坐看紛譁

信之張社諸人皆在而麟之獨不至

十月

十月長年見早梅今年二月未全開
春寒春暖花如故年去年來老漸催
大藥誰傳軒后鼎習仙虛築漢宮臺
憑君撒置人間事不負浮生只此杯

送吳子英之官東橋且爲解朝

柴車歷鹿送君東萬古書生蹭蹬中
良醞暫留玉績醉新詩無補玉川窮
駒陰去我如決驟蟻垤與誰爭長
雄快築糟丘便歸老世間馬耳過春風

張主簿草堂賦大雨

浙樹蛙鳴告雨期忽驚銀箭四山飛
長江大浪欲橫潰厚地高天如合圍
萬里風雲開偉觀百年毛

髮凜餘威長虹一出林光動寂歷村墟空落暉橫去聲

丹霞下院同仲澤鼎玉賦時從商帥軍至南陽

鞍馬忽忽去復還霜鍾今得見豐山千年香火丹霞老滿眼興亡白水閑壯志自憐消客路深居誰得似禪關只應頻有西來夢夜夜青林杳靄間

春日半山亭游眺

日照春山花滿煙獨携尊酒此江邊江流衮衮望不極世事悠悠私自憐小草不妨懷遠志芳蘭誰為發幽妍千年石壁留詩在會有騷人一慨然

別程文

芸齋浙浙掩霜寒別酒青燈語夜闌生女便知聊寄託中年尤覺感悲歡松間小草栽培穩掌上明珠棄擲難明日緱山東畔路野夫懷抱若為寬

出山

松門石路靜無閑布鞵青鞋幾往還少日漫思為世用中年直欲伴僧閑塵埃長路仍回首升斗微官亦強顏休道西山不留客數峯如畫暮雲間

謝鄧州帥免從事之辟

憂端擾擾力難任世事駸駸日見臨三載素冠容有媿一時墨綬果何心首丘自擬終殘喘陟屺誰

當辨苦音遙望朱門涕橫落相公恩德九泉深

新野先主廟

少鄧帥韻

一軍南北幾扶傷長坂安行氣已王豪傑盡思為
漢用江山初不假吳強兩朝元老心雖壯再世中
興事可常寂寞永安宮畔土爭教安樂似山陽

石門

兩岸橫絕倚山垠草徑低迷劣可分潭影乍從明
處見竹香偏向靜中聞石林萬古不知暑茅屋四
隣唯有雲曳杖行歌羨樵叟此生何計得隨君

獨峰楊氏幽居

村墟瀟灑帶新晴落日千山一片青世外衣冠存
大朴雲間鷄犬亦長生清江兩岸多古木平地數
峯如畫屏惆悵朝陽一茅屋酒缸茶竈負生平

渡湍水

湍作專呼見水經

悠悠入事眼中新悄悄孤懷百慮紛伎倆本宜閑
處著姓名誰遣世間聞秋江澹沱如素練沙浦空
明行暮雲早晚扁舟載煙雨移家來就野鷗群

十日登豐山

十日登高發興新豐山孤秀出塵氛村墟帶晚鴉
噪合林壑得霜煙景分芳臭百年隨變滅短長千

古只紛紜詩成一嘆無人會白水悠悠入暮雲

岷陽三首

突騎連營鳥不飛北風浩浩發陰機三秦形勝無
今古千里傳聞果是非偃蹇鯨鯢人海涸分明蛇
犬鐵山圍窮途老阮無竒策空望岷陽淚滿衣
百二關河草不橫十年戎馬暗秦京岷陽西望無
來信隴水東流聞哭聲野蔓有情縈戰骨殘陽何
意照空城從誰細向蒼蒼問爭遣蚩尤作五兵
耽耽九虎護秦關懦楚孱齊机上看禹貢土田推
陸海漢家封徼盡天山北風獵獵悲笳發渭水瀟

瀟戰骨寒三十六峯長劍在倚天僊掌惜空閑

圍城病中文舉相過

擾擾長衢日往回病中聊得避喧埃愁多頓覺無
詩思計拙唯思近酒盃潘岳鏡中渾白髮江淹門
外即蒼苔生涯若被傍人問但說經年鼠不來

讀靖康僉言

浚郊沙海浩茫茫河廣纔堪一葦航顛沛且當懲
景德規模何必罪朱梁滄溟不掩蛟龍窟大地同
歸雀鼠鄉三百年間幾降虜長星無用出光芒

雨後丹鳳門登眺

絳闕遙天齊景開金明高樹晚風迴長虹下飲海
欲竭老鴈叫群秋更哀劫火有時歸變滅神嵩何
計得飛來窮途自覺無多淚莫停殘陽望吹臺

京居辛卯八月六日作

四壁秋蟲夜語低南窓孤客枕頻移野情自與軒
裳隔旅食難堪日月遲平子歸田元有約魏舒襮
被恐無期一莖白髮愁多少慚愧家人賦廢多

浩然師出園城賦鶴詩為送

夢寐西山飲鶴泉羨君歸興泐翩翩昂歲自有林
壑態敢啄暫隨塵土綠遼海故家人幾在華亭清

疾世空憐明年也作江鷗去水宿雲飛共一天

追用座主開開公韻上致政馮內翰二首

峻坂平生幾疾驅歸休甫及引年初東門太傳多
祖道北闕詩人休上書早極老歸千里驥白雲閑
釣五溪魚非熊有兆公無恙會近君王六尺輿
草堂人物列仙臞萬壑松風酒一壺少日打門無
俗客老年爭席有樵夫巨源不入竹林選元亮偶
成遵社圖野史他年傳耆舊風流一一似公無

懷秋林別業

茅屋瀟瀟沂水濱豈知身屬洛陽塵一家風雪何

年盡一頃田園入夢頻高樹有巢鳩突拙空墻無
穴鼠嫌貧西南遙望腸堪斷自古虛名只悞人

壬辰十二月車駕東狩後即事五首

翠被葱葱見執鞭戴盆鬱鬱憂瞻天只知河朔歸
銅馬又說臺城墮紙爲血肉正應皇極歎衣冠不
以廣明年何時真得携家去萬里秋風一釣鉤
慘澹龍蛇日鬪爭干戈直欲盡生靈高原水出山
河改戰地風來草木腥精衛有寃瑱瀚海包胥無
淚哭秦庭并州豪傑今誰在莫擬分軍下井陘
鬱鬱園城度兩年愁腸飢火日相煎焦頭無客知

移突曳足何人與共舡白骨又多兵死鬼毛山元
有地行仙西南三月音書絕落日孤雲望眼穿
萬里荆襄入戰塵汴州門外即荆榛蛟龍豈是池
中物蟣虱空悲地上臣喬木他年懷故國野煙何
處望行人秋風不用吹華髮滄海橫流要此身
五雲宮闕露盤秋銀漢無聲桂樹稠復道漸看連
上苑戈船仍擬下揚州曲中青豕傳新怨夢裏華
胥失舊遊去去江南庾開府鳳凰樓畔莫迴頭

永寧南原秋望

浩浩西風入敝衣茫茫野色動清悲洗開塵漲雨

繞定老盡物華秋不知烽火苦教鄉信斷砧聲偏
與客心期百年人事登臨地落日飛鴻一線遲

中秋雨夕

商帥國器
筵中作

南樓高興在胡床十日秋陰負一觴
庾老未應妨嘯詠素娥多自怨昏黃
此生此夜不長好行雨行雲有底忙
却恐哦詩太愁絕且燒銀燭看紅粧

癸巳四月二十九日出京

塞外初捐宴賜金當時南牧已駸駸
只知灞上真兒戲誰謂神州遂陸沉
華表鶴來應有語銅鞮人去亦何心
興亡誰識天公意留着青城閱古今

取宋於詩
城受降

喜李彥深過聊城

園城十月鬼為隣異縣相逢白髮新
恨我不如南去鴈羨君獨是北歸人
言詩匡鼎功名薄去國虞翻骨相屯
老眼天公只如此窮途無用說悲辛

與張杜飲

故人寥落曉天星異縣相逢覺眼明
世事且休論向日酒尊聊喜侶承平
山公倒載群兒笑焦遂高談四座驚
轟醉春風一千日愁城從此不能兵

秋夕

小簾涼多睡思清一惚風雨送秋聲頻年但覺貂裘
敝萬古何曾馬角生寄食且依嚴尹幕附書誰
往鄧州城澆愁欲問東家酒恨殺寒鷄不肯鳴

夢歸

顛顛南冠一楚囚歸心江漢日東流青山歷歷鄉
國夢黃葉瀟瀟風雨秋貧裏有詩工作宗亂來無
淚可供愁殘年兄弟相逢在隨分齋盞萬事休

白屋

白屋寒多變夕曛靜中歸思益紛紛長門誰買千
金賦祖道虛陳五鬼文地盡更無錐可置竈閑唯

覺井長勤明年准擬菜蕪住寄謝東隣絕史雲

淮右

淮右城池幾處存宋州新事不堪論輔車謾欲通
吳會突騎誰當擣薊門細水浮花歸剡澗斷雲含
雨入孤村空餘轄渥傷時語留與累臣一斷魂

徐威卿相過曾二十許日將往高唐同
李輔之贈別二首

衣冠八座文昌府樸被三年同舍郎蕩蕩青天非
向日蕭蕭春色是他鄉傷時賈誼頻流涕卧病王
章自激昂保社追隨有成約不應閑塞永相望

東南人物未彫零和氣春風四座傾但喜詩章多
俊語豈知談笑得新名二年阻絕干戈地百死相
逢骨肉情別後相思重迴首杏花尊酒記聊城

即事

逆豎終當鱗縷分揮刀今得快三軍燃臍勿盡嗟
何及遺臭無窮古未聞京觀豈當誣翟義衰衣自
合從高勲秋風一掬孤臣淚叫斷蒼梧日暮雲

望王孖歸程

一褐霜寒晚思孤眼中行李見歸途虞卿仲子死
不栉石父晏嬰今豈無義士龍沙元咫尺累臣駒

隙自舒徐何時斗酒歡相勞驚看燕家頭白烏

秋夜

九死餘生氣息存蕭條門巷似荒村春雷謾說驚
坯戶皎日何曾入覆盆濟水有情添別淚吳雲無
夢寄歸魂百年世事兼身事尊酒何人與細論

甲午除夜

暗中人事忽推遷坐守寒灰望復燃已恨太官餘
麩餅爭教漢水入膠船神功聖德三千續大定明
昌五十年甲子两周今日盡空將衰淚洒吳天

乙未正月九日立春

十度新正九處家今年癡坐轉堪嗟一冬殘雪不肯盡連日苦寒殊未涯重碧總誇燕市酒小紅誰記上林花殘魂零落今無幾乞與春風惱鬢華

杏花落後分韻得歸字

頰能醫病頰肥鳶膠無那片紅飛殘陽淡淡不肯下流水溶溶何處歸煮酒清林寒食過明粧高燭賞心遠寫生正有徐熙在漢苑招魂果是非

三僊祠

三僊祠下往來頻憔悴征衫滿路塵簫鼓未休寒食酒樵蘇時見舊都人吹殘芳樹紅仍在展破平

田綠已勻西北并州隔千里幾時還我故鄉春

送輔之仲庸還大梁

驛驢爭道渺翩翩誰遣風塵失壯年四壁舊聞懸
整宅一囊今有賣書錢淋浪別酒青燈夜滅沒孤
帆落照邊想得還家過春半故山喬木滿蒼煙

繡江汎舟有懷李郭二公

荷花如錦水如天狼籍秋香擁畫船長白風煙最
灑洒外臺賓主重留連勝遊每恨隔千里樂事便
當論百年咫尺西州兩詩客不來同作飲中仙

送杜子

洛陽塵土化緇衣又見孤雲着處飛北渚曉晴山
入座東原春好妓成圍來鴻去燕三年別深谷高
陵萬事非轟醉春風有成約可能容易話東歸

眼中

眼中時事益紛然擁被寒窓夜不眠骨肉他鄉各
異縣衣冠今日是何年枯槁聚蟻無多地秋水鳴
蛙自一天何處青山隔塵土一菴吾欲遠華顛

送杜招撫歸西山

社亂後為
黃冠師

少日先聲懾虎貔只今騎馬欲雞棲邯鄲枕上人
初覺秋水篇中物已齊父老樵漁知有社將軍挑

寺自成蹊因君喚起思鄉意君在西山我更西

寄欽止李兄

征車南北轉秋蓬關塞相望兩秃翁衮衮便當隨
世路悠悠難復倚天公銅駝荆棘千年後金馬衣
冠一夢中尊酒雲州古城下幾時携手哭春風

有寄

飛鴻來處是營平喜向斜封見姓名千里呂安思
叔夜五更殘月伴長庚關河秋興風景暮長路渴
心塵土生南渡詩人吾未老幾時同醉鳳凰城

鎮州與文舉百一飲

翁仲遺墟草棘秋蒼龍雙闕記神州只知終老歸
唐土忽漫相看是楚囚日月盡隨天北轉古今誰
見海西流眼中二老風流在一醉從教萬事休

別王使君又從之

謝公每見皆名語白傳相看只故情尊酒風流有
今夕玉堂人物記升平太山北斗年在和氣春
風四座傾別後殷勤更誰接只應徧憶老門生

寄汴禪師師舊隱濟源

白頭歲月坐詩窮止有相逢一笑同齋粥空疎想
君瘦冠巾收斂定誰公夢魂歷歷山間路世事悠

悠耳外風見說懸泉好薇蕨草堂知我是隣翁特

逐釋老家甚急故有巾冠枚欵之句

衛州感事二首

神龍失水困蛟螭一舸含皇入宋州紫氣已沉牛
斗夜白雲空望帝鄉秋劫前寶地三千界夢裏瓊
枝十二樓欲就長河問遺事悠悠東注不還流
白塔亭亭古佛祠往年曾此走京師不知江令還
家日何似湘纍去國時離合興亡遽如此摸
落竟安之太行千里青如染落日欄干有所思落
日一作獨

望蘇門

諸父當年此往還
客衣塵土淚班班
太行秀發眉宇見
老阮亡來尊俎閑
出岫暮雲歸有處
投林孤鶴杳難攀
湧金亭上秋如畫
與在青林杳靄間

遺山先生文集卷第八

遺山先生文集卷第九

七言律詩

望崧少二首

崧少飛來崑閬山
山家茅屋翠微間
鷄豚鄉社相勞苦
花木禪房時往還
結習尚餘三宿戀
殘年多負半生閑
長河帶入千里望
斷西城碧玉環

飲鶴池邊萬木稠
養龍崖上五峯秋
藤垂絕壁雲添潤
澗落哀湍雪共流
田父占年驚玉斝
詩僊留

迹歎崑丘西風落日山
陽道空對紅塵憶舊遊

池在緜山養龍崖在五乳峯下

懷州子城晚望小室

河外青山展卧屏
并州孤客倚高城
十年舊隱拋何處
一片傷心畫不成
谷口暮雲知鄭重
林梢殘照故分明
洛陽見說兵猶滿
半夜悲歌意未平

別覃懷幕府諸君二首

正後廬前舊往還
江東渭北此追攀
百年人物存公論
四海虛名只汗顏
詩酒聊堪慰華髮
衡茅終擬共青山
相忘後日并州夢
常在嵇林照映間
太行釀秀在山陽
嵇阮經行舊有鄉
林影池烟設清供
物華天寶借餘光
承平故事嗟猶在
雅詠風

流豈易忘梢待秋風入涼冷百壺吾欲醉籌堂

河內

有七賢鄉

羊腸坂

浩蕩雲山直北看
凌兢羸馬不勝鞍
老來行路先愁遠
貧裏辭家更覺難
衣上風沙歎憔悴
夢中燈火憶團圓
憑誰為報東州信
今在羊腸百八盤

高平道中望陵川二首

此縣先隴城府君泰和中舊治

列宿澄明墨綬尊
中臺良選到明門
來時珥筆誇健訟
去日攀車餘淚痕
一片青山幾今昔
百年華屋記生存
泰和遺老今誰在
向道甘棠有子孫

鈴閣文書到酒卮諸曹小吏亦抄書座中佳客無
虛日簾下歌童盡雅辭棠棣有花移舊巧櫻桃和露驛
繁枝書郎零落頭今日腸斷荷衣出拜時棠棣櫻桃
皆當時事

野谷道中懷昭禪師

行行汾沁欲分疆漸喜人聲挾兩鄉野谷青山空
自繞金城白塔已相望湯翻豆餅銀絲滑油點茶心
雪蘂香說向阿師應被笑人生生處果難忘

太原

夢裏鄉關春復秋眼明今得見并州古來全晉非
無策亂後清汾空自流南渡衣冠幾人在西山薇

族此生休十年弄筆文昌府事信朝有楚囚

外家南寺

任至孝社子
時讀書處也

鷺鷥秋梧動晚烟一庭風露覺秋偏眼中高岸移
深谷愁裏殘陽更亂蟬安國衣冠有今日外家梨
栗記當年白頭來往人間徧依舊僧窓借榻眠

追賦定襄周帥夢卿家秋日牡丹

千古吳中富貴家秋風吹送洛陽花真妃鏡裏春
難老玉女車邊日易斜紀瑞定誰增舊譜換銀元
自有靈砂來遲不及西堂宴猶想分香入棹華別有
華堂

桐川與仁卿飲

瀟瀟茅屋繞清灣四面雲開碧玉環已分故人成
死別寧知尊酒對生還風流豈落玉始後詩卷長
留天地間海內斯文君未老不須辛苦賦囚山

過濁鹿城與趙尚賓談山陽舊事

廢邑蕭條落照邊山陽遺迹世空傳肺腸未潰猶
可活灰土已寒寧復然負鼎運來元有力考繁人
去更堪憐因君憶得曹瞞事銅雀臺荒又幾年

官園探梅同康顯之賦

柳麥榆椒寂寞邊儘饒梅事得春偏留殘瘦骨猶
堪畫未展幽香已可憐千里移根自何許數枝臨

水記當年開時重約花前醉試手東風第一篇

十二月十六日還冠氏十八日夜雪

少日騫飛掣臂鷹只今癡鉗似秋蠅耽書業力貧
猶在涉世筋骸老不勝千里關河高骨馬四更風
雪短檠燈一鉗一鉢平生了慚愧南窓打睡僧

別康顯之

玉川文字五千卷鄭監才名四十年誰謂華高吾
豈敢耻居王後子當然河亭笑語歸陳迹里杜追
隨失後緣後夜并州月千里南窓尊酒且留連

寄楊飛卿

客夢悠悠信轉蓬
黎床殷殷動晨鍾
西風白髮三千丈
故國青山一萬重
沙水有情留過鴈
乾坤多事泣秋蟲
三間老屋知何處
慚愧雲間陸士龍

雨夜

夢裏孤蓬雨打秋
茅齋元更小於舟
無錢正坐詩作不
識字重為時所讐
千里謾思黃鵠舉
六年真作賈胡留
并州北望山無數
一夜砧聲人白頭

東平送張聖與北行

天山曾望使車還
官柳青青此重攀
去國衣冠元易感
中年親友更相閑
籟雲自可無千里
隱霧難

教見一斑海內文章在
公等不應空老道途間

別張御史特立字 文舉

晚學天教及老成
翰林詩裏羨鴻冥
馮內翰父贈御史詩有鴻其雉媒之句

筆瓢此日歸顏巷
銅墨當時動漢庭
華袞謾勞紆直筆
御史見貽之行過有褒拂
絳帷無復與橫經
祗應千里并州

道常並虛危候德星

出東平

老馬凌兢引席車
高城回首一長嗟
市聲浩浩如欲沸
世路悠悠殊未涯
潦倒本無明日計
往來空置六年家
東園花柳西湖水
剝着新詩到處誇

再到新衛

蝗旱相仍歲已荒，伶俜十口值還鄉。
空令姓字喧時輩，不救飢寒越路傍。
行帳馬嘶塵瀆洞，空村人去雨淋浪。
河平千里筋骸盡，更欲驅車上太行。

別寇氏諸人

戊戌秋八月初二日

東舍茶渾酒味新，西城紅艷杏園春。
衣冠會集今為盛，里社追隨分更親。
分手共傷千里別，低眉常愧六年貧。
他時細數平原客，看到還鄉第幾人。

入濟源寓舍

戊戌秋八月初二日

未辦驅車上太行，主人留此避風霜。
遺編墜簡文

章爛糲食麤衣，歲月長奮迅舊嫌。
扶老杖龍鍾，今屬負暄牆壁中。
刺刺聞人語，季子金多過洛陽。

鎮平縣齋感懷

四十頭顱半白生，靜中身世兩閑情。
書空咄咄知誰辨，擊缶嗚嗚却自驚。
老計漸思乘款段，壯懷空擬漫崢嶸。
西窓一夕無人語，挑盡寒燈坐不明。

野菊再奉座主閑閑公命作

晚景蕭疎畫不成，晚花作意出繁英。
鮮明獨向霜露見，爛熳却隨蒿艾生。
南國騷人知有待，西風胡蝶更多情。
南山正在悠然處，安得芳樽與細傾。

五月十二日座主閑閑公諱日作

厝火誰能抹已然直教憂疾送華顛贈官不暇如
平日草詔空傳似奉天故壘至今埋恨骨遺宗何
力起新阡門生白首渾無補陸氏莊荒又一年

四哀詩

李欽叔

赤縣神州坐陸沉金湯非粟禍侵尋當官避事平
生耻視死如歸社稷心文采是人知子重交朋無
我與君深悲來不待山陽笛一憶同衾淚滿襟

冀京父

先公藻鑑識終童曾拔崑山玉一峯不見連城沽
白璧蚤聞烈火燎黃琮重圍急變紛紛口九地忠
魂耿耿胸欲吊南雲無覓處上林能不泣相逢

李長源

冀都事死東州禍李翰林亡陝府兵方為騷人箋
楚北更禁書客墮秦坑石苞本不容孫楚黃祖安
能貸欄衡同甲四人三橫實此身雖在亦堪驚

王仲澤

太學聲華弱冠馳青雲岐路九霄飛上前論事龍
顏喜幕下籌邊犬吠稀壯志相如頭碎柱赤心愁

紹血沾衣從來聖牘褒忠義誰為幽魂一發輝
過詩人李長源故居

楚些招魂自往年明珠真見祇深淵巨鰲有餌雖
堪釣怒虎無情可重編千丈氣豪天也妬七言詩
好世空傳傷心鸚鵡洲邊淚却望西山一泫然
已亥十一月十三日雪晴夜半讀書山

東舍龍看月

四山寒雪夜深明未恨崔嵬失舊青青女有功加
粉澤素娥無意惜娉婷微雲河漢非人世太古鴻
荒見典刑剗着新詩記今夕年年來醉半山亭

明日作

晴光見漾入危闌萬象都歸一色看搖筆尚堪凌
浩蕩舉盃誰與慰荒寒化成銀界清涼近散盡冰
花碧海乾後夜霜空月輪滿可無秦女共懸鸞

杏花二首 庚子歲南庵賦

芳樹春融絳蠟凝春風寂寞掩柴荆畫眉盧女嬌
無奈齟齬孫娘笑不成已怕宿粧添蝶粉更堪煖
藥鬧蜂聲一般踈影黃昏月獨愛寒梅恐未平
一穗蘆鞭一穗塵西園紅艷眼中新帽簷分去家
家喜酒面飛來片片春梅柳幾曾同故事櫻桃繞

得綴芳辰荒城此日腸堪斷老却探花筵上人

醉後

蚤歲披書手不停中年所得是忘形天公不禁人間酒崔瑗虛留座右銘身後山丘幾春草醉來日月兩秋螢柴門老雨青苔滿一醉狂歌且自聽

賦南中楊生玉泉墨

墨不用松烟而用燈煤

萬竈玄珠一唾輕客卿新以玉泉名御團更覺香為累冷劑休誇漆點成浣袖秦郎無藉在畫眉張遇可憐生晴窓弄筆人今老孤負松風入砚聲

以張遇齋香小團為畫眉墨

贈張文舉御史

安穩藜床坐欲穿合教絕學到真傳清貧自苦知何負神理無憑恐未然麋乳尚憐孤竹餓龍頭誰識管寧賢無窮白日青天在會有先生引鏡年先集

寄荅飛卿

一首新詩一紙書喜於滄海得遺珠古來獻玉猶難售此日聞韶本不圖白雪任教春事晚青天終放月輪孤并州命駕繞千里稽呂風流未可無

留別龍興汴禪師普照鑑禪師

十年不見木庵師二老相從又一時俚曲只知無

白雪遺音誰謂有朱絲書難盡信何如默人各爲
家枉自私三月春風滿桃李青青留着歲寒枝

赤石谷

林罅陰崖霧杳冥石根寒溜玉玎玲雲來朔漠疑
秋早山近清涼覺地靈靜愛鳥聲存野調閑嫌人
跡帶塵腥南臺說有金銀氣可是并汾處士星

山僧徒謂之小五臺九月
中時有景星如佛光云

贈揚君美之子新甫

書於頭白坐吟呻青佩橫經更幾人
緇角未逢韓吏部伏膺先就楚靈均
岳蓮盡發三峯秀玉樹初

月春看取揚家伯男子今年天壤姓名新

灑亭同麻知幾賦

零落棲遲復此遊一尊聊得散羈愁
天圓平野莽無際水遶孤城間不流
元是深字知幾請子改作閑字
柳意漸迴淮浦煖鴈聲仍帶塞門秋
登高望遠令人起欲買烟波無釣舟

答公茂

文昌除目入驚看似覺規摹到漢官
冀北已空天下馬江東全倚謝家安
黃圖赤縣風流在碧落銀河病眼寬
林下升平有他日草堂應許駐金鞍

過應州

平野風埃接戍樓邊城三月似窮秋人家土屋繞
容膝驛路旃車不斷頭隨俗未甘嘗馬漣敵寒直
欲御羊裘十年紫禁煙花繞此日雲山是應州

應州寶宮寺大殿

縹沙層簷鳳翼張南山相望鬱蒼蒼七重寶樹圍
金界十色雲華擁畫梁竭國想從遼盛日閱人真
是魯靈光請看孔釋誰消長林廟而今草又荒

懷安道中寄懷曹徵君子玉

楮水歡游事已非褒山回首重依依義熙畱在陶

允亮華表來歸丁令威袖裏短書懷老筆夢中鱗
腹見瓌衣祝君飽喫殘年飯會有隣牆白版扉

五月十一日楞軒老忌辰追懷

遺後交情老更傷每逢此日倍難忘神光何處埋
泉壤落月無言滿屋梁祕閣圖書疑外府謝家蘭
玉記諸郎靈均謾倚騷經在宗國河山半夕陽

今為亂家所
迷故有上句

感事

富貴何曾潤髑髏直酒浙米向矛頭血讐此日逢
三怨風鑿生平備九流瓢飲不甘顏巷樂市餅真

有楚人憂世間安得如川酒力士鎗頭醉死休

玉溪端武

邂逅詩翁得勝遊煙霞真欲盡崧丘玉溪如此不
一到今日曠然消百憂林影蒼茫開霽曉岸容蕭
洒帶新秋酒材已辦須君釀要及西風入釣舟

華不注山

濟南作

元氣遺形老更頑孤峯直上玉屏顏龍頭突出海
波沸鰲足斷來天宇開齊國伯圖殘照裏謫仙詩
興冷雲間乾坤一劍無人識夜夜光芒北斗寒

岳鮮元生日邦獻

天日晴明見岳時只君消得謫仙詩鶯花到處供
杯酒霜雪何緣點鬢絲已辦紫雲新活計又添驥
子好男兒扶風里社他年看鬧簇靈椿桂五枝

感興

夜宿讀書山作

倚梯從昔望烟霄七葉何人竟珥貂道路常教車
歷鹿功名唯有鬢飄蕭勤如韓子初無補晚似馮
公豈見招五十三年等閑裏一窓風葉雨瀟瀟

晨起

壬寅正月九日

燈火青熒語夜闌柴荆寂寞掩春寒歡悵已向杯
中減老態何堪鏡裏看多病所須唯藥物一錢不

直是儒冠掣鯨莫倚平生手只向東溪把釣竿時
經營神山別業故云

送周帥夢卿之閩中二首

狼籍麻衣見酒痕憶君醉別柳邊村離愁擾擾理
還亂來事悠悠誰與論瘴海漸添春浪闊冰崖唯
覺暮烟屯人間底似三峯好箭筈通天有一門
風華漠漠水迢迢長記金鞍入灞橋鬢鬢而今滿
霜雪羽毛此日是雲霄火餘函谷青猶峙春動長
凌紫未消射虎南山付公等可能仙掌不相招

感事

砥壽歸來位望尊駸駸雷李入平吞虬蛇不計撐
腸裂老虎爭教有齒存神理定須償宿業債家猶
足視驚魂且看含血曾誰嘆猪鬣關頭是鬼門

十月二十日雪中過石嶺關

老天黯慘入平蕪朔吹崩奔萬竅呼雪意旋粧行
路景詩家新有入關圖地爐圍坐慚田父絮帽衝
寒怨僕夫故國煙花重回首蜀橙山齋記金壺

拚上書華國幕府感懷呈賈明府

兵家世不乏小杜風塵今誰如老龐自許奇謀傾
幕府不防幽夢落蓬窓驚鳥繞月枝難穩羸驥嘶

風氣未降愛惜平生請纓手一策休憶弄秋江

春寒

草木荒城屋數椽春寒間巷益蕭然
僮奴煎爨頭如葆稚女跳梁履又穿
白石鯉魚空尺半朱門食客自三千
松枝塵尾山中滿去去南華有內篇

即事

商帥國器
凡九從軍

適客而今不屬官住山盟在未應寒書生本自無
燕頤造物何嘗戲鼠肝會最指天容我懶鴟夷盛
酒盡君歡到家慈母應相問為說將軍禮數寬

示懷祖

憔悴經年卧澗阿囊中無物只詩多
自驚白鬢先潘岳人笑藍衫似采和
狗盜鷄鳴皆有用鶴長息短果如何
乘閑便作歸田賦付與年童扣角歌

示崔雷詩社諸人

一寸名場心已灰十年長路夢初回
江山似許供詩筆糜粥猶能到酒杯
賣劍買牛真得計腰金騎鶴恐非才
游從肯結鷄豚社便約歲時相往來

弘州贈曹文于玉

丘園舊憶詢幽及裘褐今聞識姓名
故國衣冠有遺老歲寒松栢見交情
寄書千里空頭白握手一

孟俱眼明來徃，襄陰從此始。剩將歌笑慰生平。

和仁卿演太白詩意二首

蕭蕭窓竹動秋聲，紫極深居稱野情。靜坐且留觀衆妙，還舟無用說長生。風流五鳳樓前客，寂寞千秋身後名。解道田家酒應熟，詩中只合愛淵明。蕭蕭窓竹動秋聲，簷間白雲澹以成。白雲朝飛本無意，白雲暮歸如有情。淵明太白醉復醉，季主唐生鳴自鳴。四十九年堪一笑，昨非今是可憐生。

燕府白兔

仙顏迷離望莫攀，爭教失脚下高寒。吸殘灑露瑤

窓曉搗盡玄霜，玉杵閑顧影乍疑雲外見。寫生何似鏡中看，褐衣擾擾皆三窟。幾在祥經咳唾間。

梁都運亂後得故家所藏無盡歲詩卷

見約題詩同諸公賦

飛亭四望水雲寬，亭上高人杳莫攀。已就湖山攬竒秀，史教鄉社得安閑。風流豈落正始後，詩卷常留天地間。勝賞休言隔今昔，肩吾新自會稽還。

出都二首

漢宮曾動伯鸞歌，事去英雄不奈何。但見觚稜上金爵，豈知荆棘卧銅駝。神仙不到秋風客，富貴空

悲春夢婆行過蘆溝重迴首鳳城平日五雲多
歷歷興亡敗局棊登臨疑夢復疑非斷霞落日天
無盡老樹遺臺秋更悲滄海忽驚龍穴露廣寒猶
想鳳笙歸從教盡刻瓊華了留在西山儘浹垂
宮有瓊華島絕頂廣寒殿近為黃冠輩所撤

癸卯望宿中霍道院

置嶽沉沉轉素簷長松拂柳擁高簷湖山已為新
晴好風露還疑此夜添身外作緣良自苦世間除
睡更無甜溪堂借宿從今始便約兒童具米鹽

甲辰三月旦日以後雜詩三首

應接紛紛又次旬枉教虛負杏園春尋芳自分無
開日載酒寧知有故人花柳得時俱作態川原經
雨更無塵憑君莫惜尊前醉看即青梅入座新
澌澌猩紅鬧曉情攢頭真作與春爭舒開楊柳聊
相映瘦枝寒梅在自清粉艷依一四工作態絳唇寂
寞獨含情畫圖只愛殘粧好未信徐郎解寫生
蜜霧輕塵細洒勻綠雲紅雪一田新風光爛熳供
歡席酒味清醇伴主人落落湖山如有喜欣欣魚
鳥亦相親新詩寫八矣如錦從此他鄉不算春

紫牡丹三首

金粉輕粘蝶翅勻，丹砂濃抹鶴翎新。儘饒姚魏知名早，未放黃徐下筆親。映日定應珠有淚，凌波長恐棧生塵。如何借得司花手，徧與人間作好春。
夢裏華胥失玉京，小闌春事自升平。只緣造物偏留意，須信尤花浪得名。蜀錦浪淘添色重，御爐風細覺香清。金刀一剪腸堪斷，綠鬢劉郎半白生。
天上真妃玉鏡臺，醉中遺下紫霞盃。已從香國偏薰染，更惜花神巧剪裁。微度麝香時約略，驚移鸞影却低回。洗粧止要春風句，寄謝詩人莫漫來。

與同年敬鼎臣宿西天寧僧舍

蕭蕭風雨打僧窓，耿耿青燈對客床。每恨相望隔關塞，豈知連日醉壺觴。萍蘆味薄堪長久，茅屋寒多且閉藏。三十餘年老兄弟，此回情話獨難忘。

贈荅樂大舜咨

中京副留守

舟車何地得通津，書疏相忘意更親。但愛栢臺推峭直，豈知梅賦更清新。兩都秋色甘喬木，青雋風流有幾人。詩酒陪從約他日，鷄川已許濯纓塵。

都運李文哀挽

有之

平日剛稜觸禍機，老年天遣故鄉歸。登車攬轡名空在，濯足臨流事已非。白鶴會須尋舊約，青蠅猶

鮮避餘威

李文段於壬寅夏六月
吳香蒲室三日蛇不近

西州正有花千樹淚

盡羊曇醉後衣

贈荅郝經伯常伯常之大父予少日從
之學科舉

故家珠玉自成淵重覺英靈賦予偏
文陣自憐吾已老名場誰與子爭先
撐腸正有五千卷下筆須論二百年
莫把青春等閑了蔡邕書籍待渠傳

呂國材家醉飲

世事悠悠殊未涯七年四首一長嗟
虛傳庾信凌雲筆無復張騫犯斗槎
去國衣冠有今日春風桃李

李是誰家蠟臺剝有如川酒斲為紅塵
拂鬢華

洛陽

千年河岳控喉襟一日神州見陸沉
已為操琴感哀涕更須同草夢秋衾
城頭大匠論蒸土地底中郎待摸金
擬就天公問翻復蒿萊丹碧果何心

過三鄉望女兒邨追懷溪南詩老辛敬
之二首

雲際虛瞻處士星紫頭多負讀書螢
筆端有口傳三篋石上無禾養百齡
從昔葛陂終變滅抵今韓嶽謾英靈
因君重為前朝惜枉破青衫買一經
凡女

山主人謂
之韓嶽

萬山青繞一川斜，好句真堪字字誇。
棄擲泥塗豈天意，折除時命是才華。
百錢卜肆成都市，萬古詩壇子美家。
欲就溪南問遺事，不禁衰涕落烟霞。

為鄧人作詩

再見州人本不期，相留相挽恐相違。
携盤渭水堪流涕，種柳金陵已合圍。
事去恍疑春夢過，眼明還作故鄉歸。
題詩未要題名字，今是中原一布衣。

贈張主簿信

江岸墳荒草棘秋，朱陽南下重君憂。
弓刀近塞人

烟少林壑經霜虎迹稠，究竟畏途知有漸。
激昂高義報無由，從今弟妹通家了。
莫向瓜田認故侯。戎為

完堯伴能
過險惡道

望盧氏西南熊耳嶺

不到中鄉十五年，忽驚行色是盧川。
已占介福歸

王母未信羈魂似，身汗柳時為顧存慙。
吏報先夫人墓亂後

故吏車歲時致祭偶成期會殆天憐，馬范二師遠在千里外荒林

破屋江聲裏，坐想孤城一泫然。

寄劉繼先

清霜茅屋耿無眠，坐憶分携一慨然。
楚客登館動

歸興謝公哀樂感中年
淒涼古驛人煙外
迤邐荒山雪
意邊千樹春風水
揚柳待君同繫晉溪船

寄楊弟正卿

馬迹車塵漫白頭
蒼生初不待君憂
且從少傅論中隱
儘要元規擁上流
東閣官梅動詩興
洞庭春色入新筩
歸程未覺西菴遠
夜夜清伊繞石樓

正卿

西菴以名酒甲落中嘗賦觀濞詩有狂瀾竟逐西風落依舊清溪繞石樓之句故兼及之

為鮮于彥魯賦十月菊追錄

清霜浙浙散銀沙
驚見芳叢闋歲華
借煖定誰留翠被
鍊顏應自有丹砂
秋香舊入騷人賦
晚節今

傳好事家不是西風苦留客
衰遲久已避梅花

贈荅同年敬鼎臣

四海屏山放一頭
爭教塵土走東州
長身奉米侏儒飽
束髮從軍妾尉侯
千首新詩二作崇
百壺清酒未消憂
悠悠世事今如此
付與烟波着釣舟

寄英上人

世事都銷酒半醺
已將度外置紛紛
乍賢乍佞誰為我
同病同憂只有君
白首供傷千里別
青山真得幾時分
相思後夜并州月
却為湯休賦碧雲

寄荅仰山謙長老渠住

木菴推出謙書記乞與雲林百自由想得驅驢入
招隱勝於騎鶴上揚州衆租皆喜芋初熟一鳥不
鳴山更幽日暮王城市聲合松風亭上莫迴頭

九日登平定湧雲樓故基樓即閑閑公
所建

詩翁曾此宴重陽老樹遺臺認醉鄉流水浮生幾
今昔高秋雲物自淒涼飛來野鶴聊堪喜望隔長
鯨又可傷賴是風流未全減白頭門客有三楊

無咎揚子昭在坐
公在郡時學生也

平定鵲山神應王廟

古柳輪囷欲卜園鵲山祠廟此遺基萬金良藥移
造化老眼天公誰認時已為養生証單豹不應遭
網獲元龜半生磊砢洗仍在擬問靈君乞上池

寄荅商孟卿

窮陋朱紱寂寞心得詩何嘗得南金冷袵挂夢山
月暝老鴈叫群江渚深異縣五年仍隔濶荒城連
日想登臨書來且只平安了撥觸離愁恐不禁

荅石子章因送其行

石梁詩好先知名尊酒相逢意自傾寶劍沉埋惜
元振鐵檠豪宕見胡鉅蓋田月出多重暈豈嶺霜

餘即大鳴後日天山望征騎燕鴻歸處是雲程

留別仲經

來時兒女拜燈前此日壺觴是別筵聚散共知陰
有數笑談爭遣病相先秋風古道將誰語殘月長
庚更可憐鷄柵魚梁一村落若為還似浙江邊

中故有
上句

別周卿弟

曠歲論詩辱見收相從許久重相留苦心亦有孟
東野真賞誰如高蜀州萬疊寒雲度歸鴈孤洲春
水澹沙鷗荒城後日思君處風色蕭蕭入白頭

詩叔能兄

星斗龍門姓字新豈知書劍老風塵郎君未省曾
開閣王翰何緣得買隣銀燭對談辭館夜雪梅回
醉浙江春抵應千里東州月處處相逢即故人

賀威卿徐弟得權

利市金錢四座俱阿卿新喜到克間跨牛楊朴空
顛酒秣驥王良已問途挂出孫枝知秀發鳳離丹
嶠亦舒徐明年別作飛黃句來賀君家第二雛

遠山先生文集卷第九

書